

CURT GRAMMATICAE INTERLINGUA

(Latin sine flexion) (1)

ARTICULO, si necessari, es "il" aut "un". SUBSTANTIVO ne hab declination, que es substitut per praepositiones : de, ad, per, etc., id ne hab gener grammatical; si necessari, gener natural es express per vocabulos "fem" aut "mas", resp. pro feminin aut masculin. ADJECTIVO, reman immutat in gener et in numero. Material adjectivos hab idem forma quam il material substantivos correspondent et fi posit ante substantivo. Nomin de urb es us quam adjectivo sine mutation, exemplo: Il London domo. COMPARATION : tam... quam; plus, minus... quam; maxim, minim.. de, ex, inter.

PRONOMINS : PERSONAL; me, te, il, illo, illa, nos, vos, ils (illos illas), se, unalter. POSSESSIV : mu, tu, su, noster, vester, lu. DEMONSTRATIV : ist, hoc, tal, tant. RELATIV : qui, refer ad personas; que, refer ad animals et objectos. INTERROGATIV : qual, qui, que.

NUMERALS : null, un, du tri, quatuor, quinque, sex, septem, octo, novem, decem, centum, mill, million, milliard.)

(ORDINALS : prim, secund, terti, quart, quint, sext, septim, octav, non, decim, centesim, millesim, millionesim, milliardesim. In numeros ordinal composit, suffic que ultimo numero es ordinal: exemplo: decemprim. MULTIPLICATIV : frequent per suffixo -pl, aut post consonant -upl. Un deb quaer singulos in vocabulario. FRACTIONS : un total, un dimidio; alter fi express per ordinals : tri quart.) VERBO indica nec persona nec pluralitat

INFINITIVO : -r aut post consonants -er; usu de termination -r (-er) es inutil, si infinitivo es posit directmen post verbo transitiv, cum que id fi conjunct, aut si id es posit directmen post praeposition. PARTICIPIO : -nt, post consonants et i : -ent. PARTICIPIO PASSIV es, concernant forma, plus adjectivo quam verbo, ergo pro hoc et pro naturalitat nos adopta participio passiv, aequal vocabulario indica cum elimination de -us (adjectivo de us-a-um-systema). Pro INDICATIVO PRAESENT et pro IMPERATIVO nos ut radic de verbo sine affixo. Alter formas fi composit per verbos auxiliari : hab, es, i. ADVERBIO ex adjectivo hab forma de adjectivo; si ambiguitat es timt, un pot adjung termination -men ad adjectivo. SYNTAX : Ordin de vocabulos es : subjecto, praedicato, objecto. Phrasi interrogativ fi introduct per ESQUE ex. : Esque vos srib libro? Adverbial adjunctos de LOCO et TEMPOR sequ ad objecto; si objecto ne exist, ils sequ ad verbo. Adverbial adjunctos de TEMPOR pot etiam fi posit in initio de phrasi. In general adjuncto de loco praeced ad adjunct de tempor; sed curt adjuncto praeced un long.

VOCABULARIO. Nos adopta omni vocabulo international existent in latin, sub forma de radic latin. Radic es hoc part de

vocabulo que reman invariabil et que resulta ex vocabulo per su pression de suffixo. Ergo : Regula 1 : Interlingua reproduc sine teration vocabulos que ne hab flexion in latin. Exemplo : ab, ad, de, pro, hodie, inter, nunc, etc. Regula 2. Comparativo et superlativo latin ne analytic, que viv adhuc in linguas modern fi conservat; ex. : melior, optim, pessim.

SUBSTANTIVO latin hab declination; definition de radic hab apprendet ad nos, que nos inveni radic per subtraction de suffixo de flexion, ergo nos deb sci il suffixos. Vocabulario latin du forma de substantivo : "rosa, rosae", "dens, dentis", vocat nominativum et genitivum. Grammatica latin dic que latin possid declination consonantic et vocalic; suffixo de genitivo pro declination consonantic es -is; pro declination vocalic : -i aut -(—)s. (2)

Regula 3. - : In general si genitivo termina in -ae, -i -is, -us, -os obten post elimination de flexion il radic in : -a, -o, -, u, -e. Exemplo : rosae, rosa; calami, calamo; dentis, dent; casus, casu; diei, die.

VERBO latin hab conjugation. Ex seri de infinitivos : amare, timere, legere, audire, nos i dic post observation superficial, que es suffixo et que radic es : ama, time, lege, audi. Sed post studio act nos sci que suffixo es -e-re (nam -e es suffixo de tempor present) : amare es generat ex ama-e-re, audire ex audi-e-re, etc. (2)

Quia studio de radic verbal es mult difficil et postula regulas composit, nos ut sequent regula, que approxima ad veritat : Regula 4. - : Si infinitivo de verbo termina in -ere nos elimina -ere et si termination in -re, ist fi eliminat. Exemplo : amare, ama; timere, timere, audi; etc.

ADJECTIVO latin fi declinat secundum du systema.

1. Adjectivo de us-a-um systema, que es indicat in vocabulario in modo sequent : "novus nova novum", "longus longa longum" : es suffixo de masculin, -a de feminin, -um de neuter.

2 alter adjectivo sequ terti declination, hic nos vid termination (de nominativo aut de genitivo); ergo : Regula 5. - : Radic de adjectivo de us-a-um-systema fi obtent per elimination de suffixo -us, -a, -um; de alter nos obten radic per subtraction de suffixo -us, -a, -um. Exemplo : novus : nov; longus : long; sapientis : sapient; audax : audax. Regula 6 : Vocabulos et elementos necessari que ne exist in neolatin fi assumpt ex linguas modern de Europa et America secundum principio de internationalitat.

HENK BYLSMA

(1) In autumnno 1929 Libraria "BIOS" in Utrecht i edita un revista international, consacrat ad scientia de vita, nominat "BIOS", s redaction de Henk Bylsma, biochemico. Ist revista i es scrit in interlingua secundum hoc regulas.

(2) Vid mu "Grammatica latino secundum method "Schola et Vita" N 6-7 et sequent

Cartolina 29. IX. 1929

Per hoc mu propositionis pro Interlingua. Cum salutationis cordial,